

A-B-C-D of Snakebite

Rúl chuk an awm a tih loh túrte



Rúl chukna hmuamhma chu zai kak belh a, a túr fawh chhuah tum emaw ÷awn khalh loh túr. Tin, sahdah, khaini, samak kí leh tengtere mu bel, changel leh soda tui, ár mawng híp tír, etc, te hian awmzia an nei lo.

Rúl chukna hmuamhma ah vúr a deh, tui a sil fai emaw mahni hriat dan a lo sawngbawl loh túr. Sil fai tumna lamah a chukna hmuamhma kan nuai kual khan rúl túr kha tisa ah an ÷aidarh nasat phah thei.



Tualtó rúl chuk damdawi hman loh túr. Chiai lovin muang suh. Hun reilo te pawh kha i nunna atan a pawimawh tih hria ang che. Zu lam chi pheih chu in miahloh túr.



A chuktu rúl kha finfiah nan man emaw, thah kher tum suh. In chuktir leh palh a hlahawm. Rúl túr hnathawh a lanchhuah dan hriat a pawimawh zawk.



Rúl chuk an awm a tih túr pawimawhte

Rúl chuk vanga damlo chu ÷awng thlamuan a, a taksa hahdam leh che lo thei ang ber a awmtír túr. A theih hrám chuan kea kal tir loh túr.



Rúl chuk vanga damlo chu a thuamhnaw leh a taksa hrêng táwt thei chi reng reng, sana, ngún, zungbun, kawnghrên, etc, chu phelh tháwl sak túr.



Lirthei a remchân loh chuan rúl chuk vanga damlo chu zawn in, a rang thei ang ber a Damdawi In emaw PHC hnai ber pan pui túr.



A chuk tu rúl pianhmang leh rawng chinchhiah hrám a ÷ha. A thlak a awm theih chuan mithiamte finfiah atan a ÷angkai thei.



Rúl túr thah nana damdawi awm chhun antivenom hi sawrkar Damdawi In ah chuan a awm túr a ngaih a ni.

Rúl chuk kan pumpelh theih dân túr te

Rúl chuk hi vanduaina a nih rualin pumpelh theih a ni.



In leh a vêl vawn fai a, sazu leh ramsa dang híp khawm thei hnim leh hnawmhnawk reng reng chu then fâi túr.



Huan sâm, hlo thlawh, thing fawm leh ran chaw zawna ah kut leh ke in a khawih leh dai chin túr enchian pawht zel túr.



Zan thim hnuai ah, khawihmunah pawh kan kalin hmeihên (torchlight) hman ÷hin túr.



Kawngtum, tuikhur, tuikhuah, luikawr etc. leh a chheh vel hnim hnawk sam fâi ÷hin túr.



Chhuatah emaw khumah kan mu a nih pawh in thosilên zâr in, uluk takin thosilên tlâng chu awngphah ah nghet taka bilh luh vek túr.

Viperidae (Haemotoxic venom)

DEADLY VENOMOUS SNAKES OF MIZORAM



Red-tailed green pit viper (Rúltuha)



Maya's pit viper (Zorúltuha)



Pope's pit viper (Zawngrál pa)



Pope's pit viper (Zawngrál nu)



Brown spotted pit viper (Rúlthinghâr)



Mountain pit viper (Rúlmuk)



Maclelland's coralsnake (Rúlthihna)

Elapidae (Neurotoxic venom)



King cobra (Rúlgân)



Rúlgân note



Monocled cobra (Chawngkawr)



Colubridae (Haemotoxic venom)



Heller's Red-necked keelback (Rúlnghawngsen)



Bindee keelback snake (Rúlchalbel)



Greater black krait (Khuavangrúl)



Orange-collared keelback (Rúlnghawngeng)



Banded krait (Chawnglei)

MIZORAM RÚL TÚR NEI HLAUHAWMTE

